



Иийсас беана, Лакас дАязбина болу хаза кхаъ

Иийсас беанчу, Лакас дАязбинчу хазачу кхоо гойту, лур ду аьлла Исраилан халкъ КЕлхьардоккхург а, массо а нах КЕлхьарбохург а Иийса хилар. *Лакас* дАяздина, Везачу Элан Сино Иийса къобалвина хилла, «мискачу нахана Делах лаьцна хаза кхаъ бан». Шайн тайп-тайпана хьашташ долчу нахана болчу гАйгАнех буьзна бу и хаза кхаъ. *Лакас* дАяздинчу тептар тЕхь долчу коьртачу ойланашкахь цхьа самукьадалар ду. Иийса дуьнен чу валарх лаьцна долчу тептаран дуьххьарлерчу кортошкахь а, Иийса стигала хьалаваларх лаьцна долчу тептаран чаккхенехь а иза къабсттина гуш ду. Иийсах тешаран дин кхиарх а, дАсадаржарх а лаьцна долу дийцар ду «*Векалийн Гуллакхаш*» олучу тептар тЕхь оьцу яздархочо дуьйцуш.

Хазачу кхоах лаьцна яздинчу веа яздархочух 1:5; 2:52 а, 9:51; 19:27 а аяташкахь Лакас бен дАяздина дац цхьадолу дийцарш. Царна юкьахь ду: Иийса дуьнен чу ваьлча, маликаша лекхначу эшарех долу дийцар а, жаЛуь хьошалгА бахкарх долу дийцар а, жима Иийса Делан цА йолчу варах долу дийцар а, дикачу шамранхочух лаьцна долу хьекъале дустар а, байначу Кантах лаьцна долу хьекъале дустар а. Хазачу кхоах долчу Хокху дийцарехь шатайпа хуманаш иштта ду: доА а, Делан Са а, Иийсас дечу Гуллакхна тЕхь зударша дакъа лацар а, Дала къиношна гечдар а.

Теапиле аьлла дош

1 Лоруш волу Теапил,
Тхуна юкьахь кхочушхиллачу хуманех лаьцна дийцар хИнцале а духа нах яздан гИртира. **2** Тхуна а оцу хуманех лаьцна ма-дарра дийцина, уьш ган а гина, цул тАьхьа Делан Дош адамашна юкьахь дАсадаржочу наха. **3** И хезнарг дерриг леррина талла а теллина, хьобга цунах лаьцна ма-дарра яздийр дара аьлла, сацам хилла сан, **4** айхьа Iамийнарг хьуна билгала бакъ дуй хайитархьама.

Яхьья дуьнен чу валарх хаам

5 ЯхИуд-махкахь ХIарод паччахь волчу хенахь АбияхИун цЕ йолчу тобанах а волуш, Закри цЕ йолуш цхьа динан да вара. Элисат цЕ йолуш зуда

яра цуьнан, АхIаронан тАьхьенах схьаяьлла. **6** И шиь Везачу Эло тЕдиллина Гуллакх леррина кхочушдеш а, Далла хьалха цЕна а дара. **7** Церан бераш дацара, Элисат доьзалхо ца хуьлуш хиларна. Ший а ханна доккха а дара и шиь. **8** Цкъа шайна юкьахь Закри волчу динан дайн тобанан рагI кхечира Везачу Элана Гуллакх дан. **9** Динан дайн Iедалехь ма-хиллара, кхаж тесира. Иштта Закрина кхаж белира Везачу Элан цА чохь хаза хьожайолу хIума яго. **10** Цу хенахь оцу цЕнна хьалха дукха адам гулделлера, шаьш гуттар а ма-дарра, цхьаьна ламаз дан. **11** Закри волчу Везачу Элан малик деара цу хенахь. Хаза хьожайогу хIума ягочу кхерчана аьтту агIор дIахIоьттира иза. **12** Иза гина Закри чIогIа кхеравелира. **13** Малико элира цуьнга: «Кхера ма лолахь, Закри! Хьан доIанна жоп делла: Элисата КIант вийр ву хьуна. Цуьнан цЕ ахь Яхьья туьллур ю. **14** Цунах чIогIа воккха а вийр ву хьо. Дукха нахана хазаетар хир ду иза дуьнен чу валарна. **15** ХIунда аьлча иза Везачу Элан бIаьргашна хьалха чIогIа сийлахь стаг хир ву, цо цкъа а чагIар а, кхин йолу вахош йолу хIуманаш а мер яц. Ненан кийрахь волуш дуьйна Делан Синах вуьзна хир ву иза. **16** Дукха исраилхой церан Везачу Далла тЕберзор бу цо. **17** Везачу Элана хьалха вогуш хир ву Яхьья, ЭлияхИу-пайхамарца хилла долу нуьцкъала са а долуш волу, дайн дегнаш церан берашна тЕ дерзорхьама, аьрханаш, нийсачу новкъа а хIиттина, Делан лаамехь берш санна хилийтархьама, Веза Эла вале, и кечам бина халкъ дуьхьал хIотторхьама».

18 Закрис хаьттира малике: «Со муха тешар ву ахьа бохучух? Со къена ву, сан зуда а хан яьлла ю».

19 Малико жоп делира: «Хьобга и хаза кхаъ бахьаш дайитина, Далла гергахь долу Джабраил ду со. **20** ХIинца дуьйна хьан мотт сокур бу, и дийцинарг кхочуш хиллалц. Хьан мотт сацар хьо сан дешнех ца тешарна хир ду, ткьа ас дийцинарг шен хенахь билггала хир долуш ду».

21 Адамаш араь Закрига хьобжуш дара, иза Везачу Элан цА чохь хьеваларна цец а дуьйлуш. **22** Закри, араваьлча, вист ца хилалора, цундела куьйга эшарца дийца дийзира цуьнан. Массо а кхийтира, цунна Делан цА чохь сурт хIоьттинийла.

23 Далла Гуллакх деш долу денош чекхдевлча, Закри цА вирзира. **24** Дукха хан ялале цуьнан зуда Элисат доьзалхочух хилира. Пхеа баттахь адамех лечкъаш лийлира иза. **25** Цо бохура: «ХIара суна Везачу Элара ду! Со хенара йоллушехь, сох къинхетам а бина, нахана хьалха со юьхькIайчу хIоттийна Цо».

Иийса дуьнен чу валарх хаам

26 Элисат доьзалхочух йолу ялхалгIа бутт болуш, Дала Джабраил-малик дахийтира Галилай-махкара Назарт цЕ йолчу гIала **27** Марем цЕ

^{1:15} Лелар 6:3. ^{1:17} Мальаки 4:5, 6. ^{1:19} Даниал 8:16; 9:21. ^{1:27} Маттай 1:18.

йолу йоIстаг йолчу. Дауд-паччахьан тIаьхьенах волчу Юсупца захало дийцина яра Марем. ²⁸Иза йолчу а деана, малико элира: «Маршалла ду хьобга, Дала хьуна диканиг динарг! Веза Эла хьобца ву!»

²⁹И дешнаш бахьана долуш, Марем синтем байна яра, цо ойла йора, хIун маьIна долуш ду и маршалла бохуш. ³⁰Малико бохура: «Ма кхера, Марем! Дала хьуна диканиг дина! ³¹Ахь кIант вийр ву, цуьнан цIе Иийса а туьллур ю ахь. ³²Иза сийлахь хир ву, Цунах Веза Воккхачун КIант эр ду. Везачу Дала Цунна Цуьнан ден Даудан паччахьалла лур ду, ³³гуттар а ер-риг Якъубан тIаьхьенна тIехь куьйгалла деш хир ву Иза, Цуьнан паччахьалла цкъа а кхачор дац!»

³⁴«Иза муха хир ду, — хаьттира Марема, — со хIинца а йоIстаг ма ю?»

³⁵Малико жоп делла: «Хьуна тIе Делан Са дуьссур ду, Веза Воккхачун ницкъо дIахьулийир ю хьо, цундела хьан хиндолу бер Деза хир ду, Цунах Везачу Делан КIант а эр ду. ³⁶Хьан гергара йолчу Элисата а кIант вийр ву, ша ханна йоккха елахь а. Цунах, иза доьзалхо хуьлуш яц бохуш, дуйцура, ткъа иза ялхалгIа бутт бу доьзалхочух йолу. ³⁷Деле дан а ца луш хIумма а ма дац!»

³⁸«Со Делан лай ю, — элира Марема, — ахь ма-бохху, дерриг и хуьлий-ла соьца». Юха малик дIадахара иза йолчуьра.

Марем Элисат йолчу хьошалгIа йовду

³⁹Масех де даьлча, Марем сихонца ЯхIуд-мехкан ламанца йолчу цхьана юьрта яхара. ⁴⁰Закрин цIа чу а яьлла, Элисате маршалла хаьттира цо. ⁴¹Элисатна Мареман маршалла хезча, цуьнан кийрара бер тохаделира. Оцу хенахь Элисат Делан Синах юьзира. ⁴²Цо элира чIогIа: «Зударшна юкьахь декъала ю хьо! Хьан кийрара бер а ду декъала! ⁴³Соьгара хIун диканиг даьлла теша, сан Элан нана со йолчу ярна? ⁴⁴Хьан маршалла хезча, сан кийрара бер хазахетта тохаделира. ⁴⁵Декъала ю Дала бохург кхочуш-хиларх тешнар!»

Марема Далла хастам бар

⁴⁶ТIаккха Марема элира:

«Сан даго кьобалво Веза Эла,

⁴⁷Цунна со кIелхьарйоккхучу Далла доккхадеш ду иза,

⁴⁸хIунда аьлча Цуьнан лай йолчу сан кIезиг хиларан тидам бина Цо!

ХIинца массо а тIаьхьенаша сох декъалниг эр ду,

⁴⁹хIунда аьлча Нуьцкъалчо суна

сийлахь гIуллакхаш дина дела.

Цуьнан цIе еза ю!

^{1:31}Маттай 1:21. ^{1:32, 33}Дауд 7:12, 13, 16; ЕшаI-ЯхIу 9:7. ^{1:37}Доладалар 18:14.

^{1:48}Шамьал 1:11.

⁵⁰Цуьнан кьинхетам тIаьхьенашкара тIаьхьенашка
Цунах кхьоручарах бу!

⁵¹Шен нуьцкъалчу куьйгаца Цо сийлахь гIуллакхаш кхочушдина,
Цо, баржийна, дIасабаьхна шайн дегнашкахь
курабевларш,

⁵²паччахьаш шайн гIанташкара биссийна,
ткъа миска нах Цо айина.

⁵³Цо мезанаш дикачу кхачанах бузийна,
хьалдерш хIума ца луш дIабахийтина.

⁵⁴⁻⁵⁵Цо гIо дина шен ялхочунна, Израилан халкъана.
Цуьнан дагахь дара ИбрахИмна а,
цуьнан тIаьхьенна а гуттаренна а кьинхетам бан,
вайн дайшка Цо ма-аллара».

⁵⁶Марем, кхаа баттахь гергга Элисат йолчохь хьошалгIахь а Ийна,
цIа еара.

Яхьья дуйнен чу валар

⁵⁷Хан тIекхьаьчча, Элисата кIант вира. ⁵⁸Лулахой а, гергарнаш а, ла а дугIуш, Везачу Эло цунна и дика болх барна, Элисатца цхьаьна хазахеташ, баккхийбеш бара. ⁵⁹БорхIалгIачу дийнахь кIант ходо баьхкинарш цуьнан цIе шен ден санна Закри тилла дагахь бара. ⁶⁰Амма нанас элира: «ХIан-хIа! Цунах Яхьья эр ду».

⁶¹Цуьнга элира: «И цIе йолуш шун гергара цхьа а ма вац!» ⁶²Цара куьй-га эшарца дега хаьттира, цунна кIентан цIе хIун тилла лаьа аьлла.

⁶³Закрис, цхьа жима у а дехна, массо цец а воккхуш, яздира: «Цуьнан цIе Яхьья ю». ⁶⁴Оцу сохьта цуьнан мотт паргIат а баьлла, цуьнга Дела хестош хабар дийцаделира. ⁶⁵Лулахой ларамах буьзира. Хиллачух лаьцна массанхьа а ламанца болчу ЯхIуд-махкахь дуйцуш дара. ⁶⁶Массо а, и хезнарш, шайн дагахь а, вовшийн а хьоттуш бара: «Воккха хилча мила хир ву теша и кIант?» — бохуш. ХIунда аьлча Везачу Элан ницкъ бара Яхььяца.

Закрис Делера болу хаам бар

⁶⁷Цуьнан да Закри, Делан Синах а вуьзна, Делера болу хаам бан вола-велира:

⁶⁸«Декъала хуьлда Эла, Израилан халкъан Дела,
ван а веана, Шен халкъ безачу мехах паргIатдаьккхина.

⁶⁹Шен ялхочун Даудан тIаьхьенах волу нуьцкъала стаг
вайитина Цо вай кIелхьардаха,

⁷⁰Ша гуттар хьалха Шен безачу пайхамаршкахула ма-баххара.

^{1:52}Аюб 5:11; 12:19. ^{1:46-55}Шамьал 2:1-10. ^{1:59}Гамальяр 12:3.